

DITAME DA COMISIÓN INFORMATIVA DE TRANSPARENCIA, RÉXIME INTERNO E FACENDA ADOPTADO NA SESIÓN ORDINARIA DO DÍA 21 DE MARZO DE 2025.

ASUNTO: APROBACIÓN INICIAL DO EXPEDIENTE DE MODIFICACIÓN DO CADRO DE PERSOAL DO CONSORCIO PROVINCIAL DE PONTEVEDRA PARA A PRESTACIÓN DO SERVIZO CONTRA INCENDIOS E SALVAMENTO ANEXO AO ORZAMENTO 2025. (EXPTE.- 2025015244).

O Presidente da Comisión somete a debate a proposta de acordo sobre a aprobación inicial do expediente de modificación do cadro de persoal do Consorcio Provincial de Pontevedra para a Prestación do Servizo Contra Incendios e Salvamento anexo ao orzamento 2025, asinada con data 18 de marzo de 2025 pola Secretaría Interventora do Consorcio Provincial de Pontevedra para a Prestación do Servizo Contra Incendios e Salvamento e polo Deputado Delegado de Xestión Tributaria, Patrimonio e Formación e Emerxencias, cuxo contido é o seguinte:

“O Pleno do Consorcio Provincial de Pontevedra para a Prestación do Servizo contra Incendios e Salvamento, en sesión de data 29 de outubro de 2024, acordou aprobar conxuntamente co Orzamento do Consorcio o Cadro de Persoal e de retribucións para o exercicio 2025, que contempla a creación de 17 posto de persoal laboral fixo de bombeiro- condutor, quedando o Cadro de Persoal Laboral Fixo:

CADRO DE PERSOAL LABORAL FIXO ORZAMENTO 2025	
DENOMINACIÓN	N.º DE POSTOS
XEFE DE PARQUE	3
XEFE DE QUENDA- CONDUTOR	20
BOMBEIRO-CONDUTOR	67

A Xerencia no informe emitido, con data 28-01-2025, en relación coa estrutura organizativa contida no proxecto de Relación de Postos de Traballo que contempla a dotación de 67 bombeiros-condutores, sinala que "... considera necesario converter dúas prazas de bombeiro en xefatura de parque, quedando a seguinte distribución:



PARQUE	BOMBEIROS ACTUAL	BOMBEIROS + NOVO INGRESO	XEFES PARQUE
BUEU	17	21	2
PORRIÑO	19	22	1
RIBADUMIA	17	21	1
VILAGARCÍA	17	21	1
TOTAL	70 (+3XP)	85	5

Ao abeiro do artigo 37.1 do Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Emprego Público este asunto foi obxecto de negociación na Mesa Xeral de Negociación de data 07-02-2025, acadando acordo.

D. Jesús Mariño Mariño, xefe de parque do parque de Bueu, presenta escrito de alegación á devandita proposta, alegado e propoñendo:

1. A redistribución do sarxento adicional a Porriño, o que garantiría unha mellor cobertura na zona de alta carga operativa e risco industrial.

2. Cambio da denominación da nova plaza de "Xefe de Parque" a "Sarxento Xefe de Grupo"

A Xerencia, en informe de data 20-02-2025, ratifica a distribución e por ende a estrutura organizativa dos xefes de parque e a modificación de cadro de persoal proposta, ao considerala como a mellor opción para a prestación do servizo no ámbito territorial do Consorcio, que abrangue a 53 dos 61 concellos da provincia.

A vista do informe emitido pola Xerencia e Secretaría-Intervención, o Pleno do Consorcio Provincial de Pontevedra para a Prestación do Servizo contra Incendios e Salvamento, en sesión de data 26 de febreiro de 2025, acorda aprobar a modificación do Cadro de Persoal Laboral Fixo do exercicio 2025, coa transformación de 2 dos postos de bombeiro- condutor dos creados en 2 dos postos de xefes de parque, quedando o Cadro de Persoal Laboral Fixo para o exercicio 2025:

CADRO DE PERSOAL LABORAL FIXO ORZAMENTO 2025	
DENOMINACIÓN	N.º DE POSTOS
XEFE DE PARQUE	5
XEFE DE QUENDA	20
BOMBEIRO-CONDUTOR	65



A vez que, dar traslado do expediente, en canto ente de adscrición, á Deputación Provincial de Pontevedra para a tramitación, en cumprimento do artigo 122.4 da Lei 40/2015, do 1 de outubro, de Réxime Xurídico do Sector Público en concordancia co artigo 126 do Real Decreto Lexislativo 781/1986, do 18 de abril, polo que se aproba o Texto Refundido das disposicións legais vixentes en materia de Réxime Local.

Ditaminado favorablemente pola Comisión Informativa de Transparencia, Réxime Interno e Facenda; propónse ao Pleno da Deputación a adopción do seguinte acordo:

1º.- Aprobado, inicialmente, a modificación do Cadro de Persoal Laboral Fixo do exercicio 2025, coa transformación de 2 dos postos de bombeiro- condutor dos creados en 2 dos postos de xefes de parque, quedando o Cadro de Persoal Laboral Fixo para o exercicio 2025:

CADRO DE PERSOAL LABORAL FIXO ORZAMENTO 2025	
DENOMINACIÓN	N.º DE POSTOS
XEFE DE PARQUE	5
XEFE DE QUENDA	20
BOMBEIRO-CONDUTOR	65

E o CADRO DE PERSOAL 2025

APARTADO 1º: Persoal funcionario				
PERSOAL ADMINISTRATIVO				
GRUPO	NIVEL/CD	DENOMINACIÓN	NÚMERO	OBSERVACIÓNS
		ESCALA HABILITACIÓN CARÁCTER ESTATAL		Exercicio de funcións reservadas a funcionarios con habilitación de carácter nacional, a través do persoal funcionario de habilitación de carácter nacional, subescala- Secretaría- Intervención, clase terceira, grupo A, subgrupo A1 adscrito ao Servizo de Asistencia Intermunicipal da Deputación Provincial de Pontevedra
		SUBESCALA SECRETARIA- INTERVENCIÓN		
A1		SECRETARIO/A- INTERVENTOR/A	1	
		ESCALA ADMINISTRACIÓN ESPECIAL		
		SUBESCALA TÉCNICA. CLASE SUPERIOR		



A.1	26	TÉCNICO/A RELACIÓNS LABORAIS	1
		ESCALA ADMINISTRACIÓN XERAL	
		SUBESCALA ADMINISTRATIVA	
C.1	20	ADMINISTRATIVO/A ADMINISTRACIÓN XERAL	1

APARTADO 2º: Persoal directivo	
N.º POSTOS	DENOMINACIÓN
1	XERENTE

CADRO DE PERSOAL LABORAL FIXO ORZAMENTO 2025		
DENOMINACIÓN	N.º DE POSTOS	GRUPO
XEFE DE PARQUE	5	c1
XEFE DE QUENDA- CONDUTOR	20	c2
BOMBEIRO-CONDUTOR	65	c2

Dos que son de nova creación os seguintes:

PERSOAL LABORAL FIXO DE NOVO INGRESO	
DENOMINACIÓN	N.º DE POSTOS
XEFE DE PARQUE	2
BOMBEIRO-CONDUTOR	15

APARTADO 4º: Persoal laboral temporal	
PERSOAL LABORAL TEMPORAL POR SUBSTITUCIÓN DERIVADO DA SUBROGACIÓN POLA SUCESIÓN DE EMPRESAS DO ARTIGO 44 DO TRLET	
DENOMINACIÓN	N.º DE POSTOS
XEFE DE PARQUE	0
XEFE DE QUENDA- CONDUTOR	0
BOMBEIRO-CONDUTOR	1

2º.- En cumprimento do artigo 126.3 do Real Decreto Lexislativo 781/1986, do 18 de abril, polo que se aproba o Texto Refundido das disposicións legais vixentes en materia de Réxime Local en concordancia co artigo 169 Real Decreto Lei, 2/2004, de 5 de marzo, polo que se aproba o Texto Refundido da Lei Reguladora das Facendas Locais, expoñer o devandito expediente a información pública durante o prazo de quince días hábiles, contados a partir do día seguinte ao da publicación no Boletín Oficial da Provincia de Pontevedra,



para que os interesados poidan examinalo e presentar reclamacións que estimen oportunas. De non formularse reclamacións a devandita modificación considerárase definitivamente aprobada.”.

Unha vez debatido o asunto e segundo o establecido nos artigos 32 da Lei 7/1985, de 2 de abril, reguladora das bases do réxime local, 52 do Regulamento orgánico da Deputación de Pontevedra e 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, sométese a votación a proposta de acordo sobre a aprobación inicial do expediente de modificación do cadro de persoal do Consorcio Provincial de Pontevedra para a Prestación do Servizo Contra Incendios e Salvamento anexo ao orzamento 2025, asinada con data 18 de marzo de 2025 pola Secretaría Interventora do Consorcio Provincial de Pontevedra para a Prestación do Servizo Contra Incendios e Salvamento e polo Deputado Delegado de Xestión Tributaria, Patrimonio e Formación e Emerxencias

O resultado da votación foi o seguinte:

- 1. Votos a favor: (9)**, do grupo provincial do Partido Popular
- 2. Votos en contra: (0)**, ningún.
- 3. Abstencións: (8)**, sendo seis (6) do grupo provincial do PSdeG-PSOE e dúas (2) do grupo provincial do BNG.

A Comisión Informativa de Transparencia, Réxime Interno e Facenda ditamina favorablemente a proposta de acordo sobre a aprobación inicial do expediente de modificación do cadro de persoal do Consorcio Provincial de Pontevedra para a prestación do servizo contra incendios e salvamento anexo ao orzamento 2025, asinada con data 18 de marzo de 2025 pola Secretaría Interventora do Consorcio Provincial de Pontevedra para a Prestación do Servizo Contra Incendios e Salvamento e polo Deputado Delegado de Xestión Tributaria, Patrimonio e Formación e Emerxencias, cos votos a favor das Deputadas e Deputados do grupo provincial do Partido Popular e coas abstencións das Deputadas e Deputados dos grupos provinciais do PSdeG-PSOE e do BNG.

O Secretario da Comisión

Asdo.: José Antonio Gullás Varela.

(Documento asinado electrónicamente á marxe)

